

Поданіе Комиссiи Императорскаго Кавказскаго Медицинскаго
Общества по распространенію медико-гигіеническихъ знаній
въ народѣ.

КРАТКОЕ ПОПУЛЯРНОЕ СОЧИНЕНІЕ О ХОЛЕРѢ.

ՀԱՄԱՌՈՑ ՀԱՆՐԱՄԱՏՁԵԼԻ ՀԵՂԻՆԱԿՈՒԹԻՒՆ

ԽՈԼԵՐԱՅԻ ՄԱՍԻՆ

Գլխաւորապէս Կովկասի հասարակ ժողովրդի համար

Կազմեց Դ-ր. ՎԱՀԱՆ ԱՐԺՐՈՒՆԻ

Խմբագրուած ժողովրդական բժշկական-ատղջապահիկ
գրուածների խմբագրական մասնաժողովի նախագահ
Բժայ. Ա. Բարայեանի կողմից:

Այս Հեղինակութիւնը արժանացել է Կաջութեան
Կովկասեան Բժշկական Ընկերութեանը կտակած Քեթխու-
ղեանի մրցանակին:

616.9

Ա - 88

Թ Ի Ֆ Լ Ի Ջ

ՏԳԱՐԱՆ Տ. Մ. ՌՕՏԻՆԵԱՆՔԻ

1907



30 JUL 2010

Издание Комиссии Императорскаго Кавказскаго Медицинскаго
Общества по распространению медико-гигиеническихъ знаний
въ народѣ.

616.9 47

12-88

КРАТКОЕ ПОПУЛЯРНОЕ СОЧИНЕНИЕ О ХОЛЕРѢ.

ՀԱՄԱՌՈՑ ՀԱՆՐԱՄԱՏՅԵԼԻ ՀԵՂԻՆԱԿՈՒԹԻՒՆ

10008
37976

ԽՈՒՆԵՐԱՅԻ ՄԱՍԻՆ

Գլխավորապէս Կովկասի հասարակ ժողովրդի համար

Կազմեց Դ-ր. ՎԱՀԱՆ ԱՐԾՐՈՒՆԻ

Խմբագրուած ժողովրդական բժշկական-առողջապահիկ
գրութեաների խմբագրական մասնաժողովի նախագահ
Բժայ. Ա. Բ ա ր ա յ ե ա ն ի կողմից:

Այս Գլխինակութիւնը արժանացել է Վ ա չ ա ե ր ա կ ա ն
Կովկասեան Բժշկական Ընկերութեանը կտակած Քեթխու-
ղեանի միջանակին:



Թ Ի Յ Լ Ի Ջ
ՀԱՅԿԱՆ ԳՐԱԴԱՐԱՆ
1907

16556

Յ Ա Ռ Ա Ջ Ա Բ Ա Ն

Նորը մի երկրի վրա մի անբաղդություն է վրա տալիս, ժողովուրդը չալետք է ձեռները խաշի ու ասի. «Աստծու կամքն է»։ Նորէք չալետք է մոռանալ այն իմաստալից ասացումաճքը, թէ «Աստծու վրա յոյս դիր, քայց ինքը էլ անգործ մի՛ մնար»։ Պէտք է յիշել եւ այն միւս առածը, թէ «ի՛նքդ քեզ օգնիր, որ Աստուած էլ քեզ օգնի»։ Պիտի մեր ընդորոյցները հաւաքենք խոլերայի դէմ կռուելու համար, որովհետեւ սա մի վարակիչ հիւանդութիւն է եւ սարսափելի կոտորածներ է անում ամեն դասակարգի մարդկանց մէջ։

Կռուել այս հիւանդութեան դէմ երկու կերպ կարելի է. կամ պաշտպանելով հասարակութիւնը եւ ինքնիրան վարակուելուց ու հիւանդանալուց, կամ (եթէ, Աստուած չանի, մէկը հիւանդանա) իսկոյն բժշկութեան դիմելով։

Այս գրքոյկի նպատակն էլ մէկ այն է, որ ցոյց տանք, թէ ի՞նչ ձեւով պէտք է պաշտպանել ժողովրդին եւ ամեն մէկին վարակումից եւ թէ ինչպէս քժշկուել, եթէ տեղը քժիշկ չկայ:

Բայց այդ սարսափելի աղէտի հետ կոտուելու համար անհրաժեշտ է ամենից առաջ ծանօթանալ նրա հետ:

ՄԱՍՆ ԱՌԱՋԻՆ

1. ՄԻՔԱՆԻ ԽՕՍՔ ԿՈՎԿԱՍՈՒՄ ԵՂԱԾ ԽՈՒՆԵՐԱՅԻՆ ՀԱՄԱՃԱՐԱԿՆԵՐԻ ՄԱՍԻՆ

Խոլերայի բունը համարւում է հեռաւոր չնդկաստանը, իսկապէս հնդկիկների սրբազան Դանգէս գետի ափերը: Այս պատճառով էլ այդ հիւանդութիւնը յայտնի է հընդկական կամ ասիական խոլերա անունով, որով նա զանազանւում է եւրոպական կամ մանկական խոլերայից: Այս երկուսը ոչ մի կապ չունեն իրար հետ և տարբեր պատճառներից են առաջ գալիս: Բացի զրանից, մանկական խոլերան երբէք համաճարակի ձև չի ստանում: Դանգէս ու Բրահմապուտրա գետերի ափերին տարին-տասներկու ամիս խոլերան ճարակւում է ժողովրդին, երբեմն թուլանալով, երբեմն սաստկանալով ու բռնկուելով մեծ ոյժով: Այդ տեղերից հիւանդութիւնը սարսափելի սրագութեամբ փոթորիկի նման անցնում է ամբողջ երկրը:

ների վրայով, թափանցելով աշխարհիս ամենահեռաւոր անկիւնները և տանելով իր հետ հազարաւոր ու հարիւր հազարաւոր կեանքեր: Մեր երկիրը (Կովկասը) անցեալ դարում միբանի խոլերային համաճարակներ է տեսել, նրանցից միքանիսը զարհուրելի ուժով բռնկուեցին, միւսները աւելի թոյլ էին:

Մեր երկրի պատմութիւնը յիշատակում է այս դարում մի շարք խոլերային համաճարակներ: Առաջինը երևաց 1823 թ. Սալիանում, այդտեղ մի ինչ-որ անյայտ ցաւից հէնց առաջին օրը մեռան եօթ մարդ: Այս հիւանդութիւնը եկել էր Պարսկաստանից, Տալիշինեան խանութիւնից և սկսել էր կոտորածներ անել Կասպից ծովի ափերում: Այդ ժամանակ հիմնուեց Կովկասում առաջին կարանտինը *) Բաքում և Լէնքօրանում պարսկական ծովափից եկած ապրանքների ու նաւերի համար:

Հազիւ հինգ տարի էր անցել, երբ 1828-ին Բազուի շրջանում բռնկուեց երկրորդ համաճարակը: Հետեւեալ տարին խոլերան

*) Տես էջ...

մտաւ հիւսիսային Կովկաս. իսկ 1830-ին, յունիսի 27-ին երևեցան առաջի դէպքերը Թիֆլիզում: Այն ժամանակուա զինուորական նահանգապետ գեներալ Ստրիկալովը շատ խիստ միջոցներ ձեռք առաւ ցաւի տարածուելու դէմ, բայց այդ միջոցները բաւարար չէին: Նա ի միջի այլոց զանգատում էր գլխաւոր հրամանատար գրաֆ Պասկեւիչին, թէ «բժիշկների պակասութիւն կայ, որովհետեւ եղածներից երկուսը ուրիշ տեղ են ուղարկուած, իսկ մնացածներից էլ երկուսը արդէն մեռել են»: Այս համաճարակը այնքան սաստիկ էր, որ քաղաքը ամայի դարձաւ,—մնացել էին միայն ծառայողները և աղքատները, որոնք միջոց չունէին փախչելու: Պասկեւիչն ինքը քաջաւերում էր ժողովրդի փախուստը. նա փակեց բոլոր կառավարչական ատեանները: Փախչողները, ի հարկէ, տարածեցին հիւանդութիւնը շրջակա գաւառները: Այս համաճարակը ահագին աւերումներ արեց. միայն Թիֆլիզ քաղաքում 53 օրուա մէջ խոլերայից մեռան 3,000 մարդ. ուրեմն 10 հոգուց մէկը, որովհետեւ այդ ժամանակ քաղաքում հազիւ 30,000 բնակիչ լինէր: Այս պատճա-

ռով էլ այս համաճարակը յայտնի է մեր մէջ «մեծ խոլերա» անունով: Երրորդ համաճարակն սկսուեց Ախալցխայի գաւառում 1839 թուին, յետո 1840-ին երևաց Ալեքսանդրապոլում, իսկ հետեւեալ 41 և 42 թուականներին տարածուեց Երևանի ու Չիրվանի գաւառները, բայց շնորհիւ ձեռք առած միջոցների, Թիֆլիզ չհասաւ:

«Մեծ խոլերայից» պակաս սաստիկ չէր նաև այն համաճարակը, որը բռնկուեց 1847 թուականին:

Այդ տարուա յունիս ամսին անտանելի չոք էր և խոլերան ամբողջ երկրում զարհուրելի ծաւալ ստացաւ ու զոհերի թիւը սկսեց արագութեամբ օրէցօր աճել: Այս համաճարակը այնպիսի սարսափ գցեց, որ ներսէս չինգերորդ կաթողիկոսի հրամանով ամեն օր եկեղեցիներում մաղթանքներ է կատարուում և պատարագ մատուցանուում: Ամենքը հաղորդուում էին, որովհետև ոչ ոք չէր կարող յուսալ, թէ էգուց կենդանի կը լինէր: Եւ, յիշաւի, ականատեսների ասելով, հիւանդութիւնը սպանում էր իր զոհին ^{1/4} — ^{1/2} ժամուա մէջ. զոհերի թիւը օրական հարիւրի էր հասնում:

Հետեւեալ համաճարակները աւելի թեթեւեցան, թէև դարձեալ բաւականին զոհեր տարան: Զատ վնասուեցին ռուս զօրքերը 1855 թուին, թուրքերի հետ պատերազմելու ժամանակ: 1857-ին խոլերան դարձեալ Պարսկաստանից անցաւ ու հասաւ Թիֆլիզ. յետո մի քանի տարի դադարեց և նորից երևաց 1865—66 թուականներին, բայց այս անգամ նա եկել էր Ռուսաստանից, որտեղ նա աւերումներ գործեց մինչև 1870 թուականը: Ամենից առաջ համաճարակը երևաց Կուբանի շրջանում: Կարճ ժամանակից յետո Փոթին ու Քութայիսը ենթարկուեցին այդ ցաւի սոսկումներին և ցաւն արագութեամբ տարածուեց ու ճարակեց մինչև Թիֆլիզ, Գանձակ ու Ըուշի ու մտաւ Բազուի նահանգը: Պաշտօնական տեղեկութիւնների համաձայն, 1871 թուին մեռան խոլերայից 2124 հոգի. բայց այդ թիւը անտարակոյս պակաս է իսկականից:

Այնուհետև մինչև 1892-ը այլևս խոլերայի մասին ձայն չկար, երբ յանկարծ նա բռնկուեց Բազում, ուր բերուել էր Պարսկաստանից Անդրկասպեան երկրի վրայով:

Այս համաճարակը դեռ թարմ է ամեն-

քի յիշողութեան մէջ: Բազումից նա անցաւ Թիֆլիզ. իսկ այստեղից ճիւղաւորուելով, մի կողմից հասաւ Բաթում ու Սև ծովի ափերը, իսկ միւս կողմից Երևանի նահանգն ու Կարսի շրջանը: Այս վերջին խոլերայի գրելաւոր օջաղները դարձան Բազումն ու Երևանը, որտեղ շատ մարդ կոտորուեց և աւելի շատ կկոտորուէր, եթէ կառավարութիւնն ու քաղաքային վարչութիւնները խիստ միջոցներ ձեռք առած չլինէին:

2. ԻՆՉ Է ԽՈՂԵՐԱՆ ԵՒ ՄԱՐԴԻԿ ԻՆՉՊԷՍ ԵՆ ՎԱՐԱԿԻՈՒՄ

Խոլերան մեծ վարակիչ գորութիւն ունի: Այս պատճառով էլ նա այդպէս արագ անցնում է գիւղից-գիւղ, քաղաքից քաղաք և կարճ ժամանակում դառնում է սարսափելի համաճարակ, այսինքն հեղեղում է ամբողջ երկրներ ու պետութիւններ:

— «Իսկ ինչ կերպ է տարածւում այդ հիւանդութիւնը», կհարցնի ընթերցողը:

Ենթադրենք, թէ մի որևէ տեղ, օր. Ռէշտում (Պարսկաստանում) խոլերա կա: Ամենքը գիտեն, որ այդ քաղաքից նաւերով

մարդկանց ու սպարանքներ են բերում Բագում: Ահա այդ նաւերից մէկի վրա գալիս է խոլերայով հիւանդ մի մարդ ու դուրս է գալիս Բագում: (Սակայն իսկի անհրաժեշտ էլ չէ, որ եկողն ինքը հիւանդ լինի. բաւական է, որ նրա մափրաշի կամ արկղի մէջ մի խոլերայով հիւանդին պատկանող իրեր գտնուեն, օրինակ. նրա սպիտակեղէնը կամ հագուստը): Ենթադրենք, որ այդ եկուորն իջնում է իր ազգականների կամ ծանօթների մօտ և այնտեղ մնում է 2—3 օր և յանկարծ երրորդ կամ չորրորդ օրը սարսափով նկատում են, որ տնեցիներից մէկը լուծ է ընկնում, փսխում է և մահուան դուռն է հասնում: Կանչում են բժշկին և սա յայտնում է, թէ հիւանդը խոլերա է ընկել. — «Ինչպէս թէ խոլերա. որտեղից եկաւ», զարմանքով հարցնում են տնեցիք ու սարսափահար եղած, հազար ու մէկ կերպով բացատրում, թէ ինչպէս հիւանդացաւ այդ խեղճը: Բայց բժիշկը հարցութիւններ է անում և իմանում, որ վարակումն եկել է Ռաշտից, որտեղ համաճարակ կա:

Այդ դեռ բոլորը չէ: Հիմի աւելի հեռու գնանք: Յիշած հիւանդին մօտիկ մարդկան-

ցից մէկը ուղղակի Բագուից գնում է Բաթում առանց Թիֆլիզում կանգ առնելու և յաշկարծ Բաթումի մէջ էլ խօլերայի դէպքեր են յայտնուում: Ինչպէս պատահեց այդ: Անձ թէ ինչպէս: Այն մարդը թոյնը ստացել էր Բագուում առաջին հիւանդից, բայց դեռ ևս այդ թոյնը այնքան չէր աճել նրա մարմնի մէջ, որ հիւանդացնէր նրան միքանի օր պէտք է անցնէր: Այդ միքանի օրուա մէջ նա առողջ էր մնացել, իսկ մինչև Բաթում հասնելը վարակը (վարակիչ թոյնը) զօրեղացել էր նրա մէջ ու հիւանդացրել նրան: Յետոյ այս հիւանդից վարակուում են ուրիշները, ու այդ մարդի շուրջը երևում են մի շարք խօլերային դէպքեր և այդպիսով Բաթում քաղաքում ծագում է ու տարածւում խօլերային համաճարակը, թէև, կրկնում ենք, Բագուի ու Բաթումի մէջ ոչ մի հիւանդական դէպք պատահած չէ:

Կարող է պատահել նաև այսպէս. ոչ մի մարդ չի եկել վարակուած տեղից այս ինչ քաղաքը, բայց էլի խօլերան երևում է: Ինչպէս է լինում այդ: Հետազօտեցէք և կիմանաք, որ թէև ոչ-ոք չի եկել, բայց դրա փոխարէն վարակուած տեղերից բերուած

են քաղաք զանազան ապրանքներ և վարակիչ թոյնը դրանց հետ է ներս մտել:

Այստեղից պէտք է եզրակացնենք այն, որ եթէ մի տեղ խօլերա է երևում, պէտք է համոզուած լինենք, որ նա ինքնիրան չի ծագել, այլ բերուած է կամ մարդկանց կամ ապրանքների միջոցով:

Եւ, յիշաւի, եթէ հետեւենք խօլերային համաճարակների ընթացքին, կտեսնենք, որ այս հիւանդութիւնը տարածւում է երկաթուղիների գծով, գետերի ու ծովերի ափերով և առհասարակ հաղորդակցութեան ճանապարհներով (որոնցով մարդիկ կամ ապրանքներ են տեղափոխւում) և այդ տեղերից միայն մտնում երկրի խորքերը:

Մեր բոլոր ասածները ապացուցում են այն, ինչ որ վերևն ասեցինք, այն է. խօլերան տարածւում է անմիջական վարակումից թէ՛ մարդկանց և թէ՛ վարակուած իրերի միջոցով: Այդ բանի ապացոյցներից մէկն էլ այն է, որ եթէ չըջապատենք մի օրէն գիւղ կամ քաղաք շղթայով այնպէս, որ ոչ-ոք ներս չմտնի, նոյնպէս և ոչ մի բան չընդունենք դրսից, այդ գիւղում ու քաղաքում ոչ մի մարդ չի հիւսնդանա, թէկուզ չորս կողմը խօլերան կտտորած անի:

3. ԽՈՒՆԵՐԱՅԻ ՎԱՐԱԿԸ (ԹՈՅՆԸ) ԿԱՄ ՄԻԿ- ՐՈՒՐԸ

Մենք շատ անգամ գործ ենք ածել վա-
րակ, թոյն եւ վարակումն բառերը: Այժմ
տեսնենք, թէ ինչ են նշանակում դրանք:

Վարակը մի կենդանի թոյն է, որը մըտ-
նելով մեր մարմնի մէջ, թունաւորում է մեզ:

Մենք շատ թոյներ ենք ճանաչում. մկըն-
դեղն էլ թոյն է, անդիկն էլ թոյն է, օպիումն էլ:
Սրանք բոլորը կարող են թունաւորել մեզ
միմիայն այն ժամանակ, երբ նրանցից որոշ
քանակութեամբ ենք կուլ տալիս, իսկ եթէ
բիշ չափով ընդունենք, ոչ մի վնաս չի հաս-
նի մեզ, մինչև անգամ օգուտ էլ է, որովհետեւ
դրանք դեղեր են որոշ հիւանդութիւնների դէմ:

Խոլերայի թոյնը դրանց նման չէ: Նրա
ամենաչնչին մասնիկն էլ ընկնելով մեր կաղ-
մուածքի (մարմնի) մէջ, կարող է սարսափե-
լի արագութեամբ ածել ու թունաւորել մեզ:

Մի ուրիշ զանազանութիւն էլ կայ: Երբ
հասարակ թոյներէից մի մարդ որոշ չափով
ընդունի, նա կամ կմեռնի կամ ոչ, և վեր-
ջացաւ էլ ուրիշների վրա ոչ մի ներգործու-
թիւն չի անի: Ուրեմն թոյնը անհետանում
է—կորչում է առաջին հիւանդի մէջ: Այնինչ

խոլերայի թոյնը չի անհետանում հիւանդի
մեռնելուց յետոյ էլ, և կարող է նրանից անցնել
(փոխուել) ուրիշներին և նրանց էլ սպանել:

Ուրեմն խոլերայի վարակը մի առանձին
տեսակի թոյն է, որը միշտ շատանում է,
աժոււ է հիւանդի մարմնի մէջ եւ մէկից
դուրս գալով ուրիշներին էլ է վարակում: Մի
խօսքով սա մի կենդանի թոյն է:

Ի՞նչ է այս կենդանի թոյնը:

Մինչև 1883 թուականը մեծ գիտնա-
կաններից անգամ ոչ ոք չէր կարող այս
հարցին պատասխանել, բայց այս տարում
գերմանացի յայտնի գիտնական Կօխը մե-
ծացնող ապակիների (մանրացոյցի) միջոցով
գտաւ խոլերայով հիւանդների կղկղածքի
(դուրս գնացածի) ու փսխանքի մէջ առան-
ձին չափազանց մանր էակներ (սունկեր),
որոնք առանց մանրացոյցի չեն երևում և
որոնք խոլերայի իսկական պատճառներն են:
Սրանց անունը դրեցին խոլերային մանրիկ
կամ միկրոք. ասում են նոյնպէս խոլերային
ցուպիկ կամ խոլերային ստորակէտ: Այդ գիւ-
տից յետոյ գիտնականների արած բազմա-
թիւ դիտումները ապացուցեցին, որ հէնց
այդ անտեսանելի մանր էակներն են խոլե-

րայի վարակը. դրանք են, որ աճելով մեր մարմնի մէջ, սպանում են մեզ:

Եթէ խօսերայով հիւանդի նոր փսխածից կամ դուրս գնացածից մի կաթիլ դրնենք սանրացոյցի ապակու վրա ու նայենք, կտեսնենք որ խօսերային ցուպիկները շարժւում են: Գիտնականները մինչև անգամ կարողացան տեսնել, թէ ինչ կերպ են աճում ու բազմանում նրանք: Եւ տեսան մի գարհուրելի բան, այն է. որ նրանցից ամեն մէկից մի օրուա մէջ կարող է գոյանալ միքանի միլիօն: Բայց մի տեղ միայն նրանք չեն կարողանում աճել, այլ ոչնչանում են. դա ստամոքսի թթու հիւթն է: Այս պատճառով էլ չպէտք է գործ ածել աղային ուտելիքներ ու խմելիքներ, որովհետև սրանք պակասեցնում են ստամոքսի հիւթի թթուն:

Ինչպէս մի քանի թունաւոր սունկեր սարսափելի թոյներ են պարունակում իրանց մէջ, այնպէս էլ այդ անտեսանելի սունկիկները տկար մարդկանց ստամոքսի ու աղիքների մէջ աճելով արտադրում են մի գորեղ թոյն, որը երբեմն միքանի ժամուա ընթացքում սպանում է հիւանդին:

Խօսերային ցուպիկը զարգանում է ու

աճում նոյնպէս և մեր կազմուածքից դուրս, այն է. ջրի մէջ, բոլոր ուտելիղէնների, կեդտի ու աղտի մէջ և առհասարակ խոնաւ ու կեղտոտ տեղերում, որտեղ նրանք պարարտ հող են գտնում իրանց աճման համար: Եւ, ընդհակառակը, մաքրութեան մէջ, լոյս և արեւաշատ տեղերում նրանք չորանում են ու ոչնչանում:

Յուշերան, ճշմարիտ որ, աւելի զարգանում է այն երկրներում, որտեղ որ ժողովուրդը կեղտոտ է ապրում: Եթէ համեմատենք հէնց միեւնոյն քաղաքի զանազան մասերը, կտեսնենք, որ կեղտոտ թաղերում խօսերան աւելի գոհեր է տանում, քան մաքուր: Անա թէ ինչի խօսերային ստորակէտ ցուպիկները բուն են դրել, ինչպէս ասել ենք, չնդկաստանում, Գանգէս գետի ափերում: Այդտեղից ցուպիկները հիւանդների ու ապրանքների միջոցով անկոչ հիւրեր են դառնում մեր երկրներում: Բարեբաղդաբար նրանք մեր բարեխառն կլիմայում չեն կարողանում ապրել: Նրանք այն տեղերում են աւերածներ գործում, որտեղ ժողովուրդը կեղտոտ կեանք է վարում, իսկ մաքրասէր ժողովրդի մէջ նրանք կերակուր չեն գտնում ու ոչնչանում:



4. ԻՆՉՊԷՍ Է ՄՏՆՈՒՄ ՄԵՐ ՄԱՐՄՆԻ ՄԷՔԷ
ԽՈՂԵՐԱՅԻ ՎԱՐԱԿԻՉ ԹՈՅՆԸ

Խոլերայի թոյնը կարող է մտնել մեր մարմնի մէջ գլխաւորապէս ուտելիքի ու խմելիքի հետ, նմանապէս և վարակուած փոշու (թոզի) հետ, որի մէջ խոլերային ցուպիկներ կան: Կարելի է վարակուել նոյնպէս և դիպչելով այնպիսի առարկաների, որոնք կեղտոտուած են հիւանդի արտաթորութիւններով ու փսխուածքով:

Այն անձինք, որոնք խնամում են հիւանդին, նոյնպէս և նրանք, որոնք յարակցութիւն ունեն վարակուածների հետ, կարող են վարակուել սոյդ բոլոր միջոցներով: Երբ մենք դիպչում ենք կամ ձեռ ենք տալիս խոլերային արտաթորութիւններով կեղտոտուած իրերին (բարձ, վերմակ, դռակի սաւան, սպիտակեղէն), այն ժամանակ խոլերային անտեսանելի ցուպիկները կաշւում են մեր ձեռներին և եթէ մենք անլուա հաց ուտենք, կամ ձեռներս բերաններս տանենք, կարող ենք կերակուրի հետ կուլ տալ այդ ցուպիկներն ու թունաւորուել: Ահա թէ ինչի հիւանդապահը չպէտք է անլուա ճաշի

նստի, այլ վաղորօք պիտի լաւ լուանա ձեռները սապոնով ու մաքուր տաք ջրով, իսկ յետո ախտահանի մի որեւէ ախտահանիչ դեղով, որոնց մասին յետո կ'ըսենք:

5. ԻՆՉՊԷՍ ԵՆ ՄԱՐԴԻԿ ՎԱՐԱԿԻՈՒՄ ԶՐԻ
ՄԻՋՈՅՈՎ

Բացի անմիջական չփումից հիւանդի հետ, մարդ կարող է վարակուել խոլերայով նոյնպէս և ջրի միջոցով:

Անցեալ 1892 թուականին Երևանում կոտորուեց, ինչպէս ասում են, ազգաբնակութեան մի երրորդ մասը: Ամբողջ քաղաքը սուգի մէջ մտաւ: Ո՛վ կարող էր — փախչում էր սարերը, իսկ խեղճ ժողովուրդը և յատկապէս աղքատ թուրքերը, որոնք կարելիութիւն չունէին փախչելու, սարսափելի քանակութեամբ կոտորուում էին: Մահւան դէպքերը այնքան շատ էին, որ մարդ չէր մնացել դիակները թաղելու համար: Բազում նոյնպէս մեծ կոտորած եղաւ գլխաւորապէս բանուորների մէջ:

Իսկ Թիֆլիզում, որտեղ 150 հազար բնակիչ կար, հազիւ 100 մարդ մեռաւ:

Ինչից էր այդ ահագին տարբերութիւնը: Ինչի մի բաղադրում բնակիչների մի երրորդականն է մեռնում, իսկ միւսում հազիւ 1500-ից մէկը:

Ի հարկէ դրա պատճառը Թիֆլիզի մաքրութիւնն էր, այնտեղի կեանքի աւելի լաւ պայմանները: Բայց զլիսաւոր պատճառը այն էր, որ քաղաքում գործ չէին ածում Կուր գետի ջուրը, այլ ջրանցքի ջուրը: Այն ինչ Բագուում ու Երևանում խմելու ջուրը աղտոտուած էր խոլերային արտաթորութիւններով և, հետևապէս, վարակուած: Եւ, յիշուի, Երևանում շատ փողոցների միջով անցնում են բաց ջրանցքներ, որոնց մէջ բնակիչները շատ անգամ (գիշերները) լցնում են իրանց կեղտաջրերը, նոյն իսկ աղտոտութիւնները: Փողոցներից այս ջրերը մտնում են տների բակերը, որտեղ ժողովւում են երբեմն աւազանների մէջ, ջրում են մարգերն ու այգիները: Այս ջրանցքների ու աւազանների մէջ խոլերային տարին էլ (ինչպէս միշտ) բնակիչները լուանում էին խոլերահիւանդների սպիտակեղէնը, իսկ գիշերները թաքուն նոյնիսկ թափում էին հիւանդի աղտոտութիւններն ու աղբը: Պարզ է, որ այդ

ջրանցքների ջուրը սարսափելի կերպով աղտոտուած պիտի լինէր և պիտի առատութեամբ տարածէր խոլերան տնից-տուն, թաղից-թաղ, վերելից ներքև: Բագուում ևս խոլերայի այդքան ուժեղ լինելը կարելի է նոյնպէս մեծ մասամբ վերագրել վատ ջրին:

Ահասարակ խոլերան մեծ կոտորած է անում այն տեղերում որտեղ բնակիչները կեղտոտ գետի կամ ջրհորի ջուր են դործ ածում: Ջրհորի ջուրը աղտոտուում է նրանից, որ խոլերայով հիւանդի արտաթորութիւնները առանց ակտահանելու թափում են գետին, ջրհորի մօտ, կամ երբ ջրհորը արտաքնոցների մօտ է, որովհետև այդ աղտոտութիւնները ծծւում են գետնի մէջ ու հասնում ջրհորի ջրին: Այս հիման վրա է, որ բժիշկները խորհուրդ են տալիս խոլերայի ժամանակ ծածկել այն ջրհորները, որոնք տների մօտ են:

6. ԽՈՒՆԵՐ ԱՅԻ ՆՃԱՆՆԵՐԸ

Թոյնը մեր սարմնի մէջ մտնելուց երկու-երեք օր անցած, հիւանդութիւնը սկսւում է իրան ցոյց տալ, Գլխաւոր նշաններն են. փսխում (սիւրա թափել) և փորլուծու-

Թիւն: Յանկարծ հիւանդը սկսում է մի-
մեանց ետևից դուրս գնալ. լուծում է
ջրալի և գնալով աւելի և աւելի յաճախ է
դուրս գնում: Այս փորլուծումների ժամա-
նակ, բացի թեթև ծակոցներից ուրիշ ա-
ռանձին ցաւեր ստամոքսի մէջ չեն զգաց-
ւում: Փորլուծութիւնը օրական 20—30 ան-
գամ և նոյնիսկ դրանից էլ աւել է կրկնվում:
Դուրս գնացածը բոլորովին ջրալի է դառ-
նում, նմանւում է բրնձաջրի: Սրանից հի-
ւանդը, ի հարկէ, նեղանում և քամւում է,
որովհետև այդ փորլուծութիւնը խլում է
նրանից բոլոր հիւթերը, մանաւանդ որ փոր-
լուծութեան հետ միասին անդադար փրս-
խումն էլ է լինում:

Այսպիսով մարմնի հեղուկը անդադար
ահագին չափերով կորչում է, որից հիւան-
դի արիւնը թանձրանում է, իսկ այս պատ-
ճառից առաջանում է այն բանը, որ հիւանդի
կաշին չորանում է ու սառչում, մէզը պակա-
սում է և նոյնիսկ բոլորովին կտրւում: Երբ
բանն այստեղ է հասնում, սկսւում են ծանր
երևոյթներ. հիւանդի շնչառութիւնը դժուա-
րանում է, կուրծքը կարծես ճնշւում է, ամ-
բողջ մարմինը, մանաւանդ ձեռներն ու ոտ-
ները սառչում են: Անդամները ամեն րոպէ

սաստիկ ձգձգւում են, անտանելի ցաւեր
պատճառելով հիւանդին: Արագ կերպով,
2—3 օրուա, յաճախ էլ մի քանի ժամուա
ընթացքում հիւանդը սարսափելի կերպով
լղարում է. մարմնի ամբողջ կաշին չորանում
է և մազադաթի պէս դառնում. աչքերը խոր
են ընկնում, ձայնը խռպոտ է դառնում ու
թոյլ, լեզուն փայտանում է, բերանը սաս-
տիկ չորանում. այս դրութեան մէջ վրա է
հասնում մահը:

Բարեբաղդաբար, ամեն հիւանդի ճա-
կատին անխուսափելի մահ չի գրուած: Հա-
տերը առողջանում են կամ այն պատճառով
որ ժամանակին բժշկական օգնութիւն են
ստանում կամ թէ այն պատճառով, որ հի-
ւանդը պինդ ու առողջ կազմուածք ունե-
նալով, աջողութեամբ կարողանում է դիմադ-
րել թոյնին և յաղթում է:

Առողջանալու դէպքում փորլուծութիւ-
նը և փսխումը կանգ են առնում, ջղերի
կծկուելը դադարում է. միանգամից առատ
քրտինք է վրա գալիս, մեզը բացւում է,
աչքերը նորից իրանց առաջուա փայլն են
ստանում, բերանը ջրակալում է և հիւանդը
արագ լաւանում:

խօրերան, ի հարկէ, միշտ այսպիսի խիստ ձևով չի տրտայատուում: Նրա նշանները առհասարակ փոփոխական են: Մի տեսակ հիւանդացողներ միայն թեթև փորլուծութիւն և փսխում են ունենում: այսպիսի խօրերան ուրիշ անուն ունի - խորիւրինա: Միւսները աւելի ծանր փորլուծութիւններ են ունենում և նոյնիսկ ջղաձգութիւն էլ է լինում նրանց անդամների մէջ: վերջապէս հիւանդացողների մի մասն էլ վերելում նկարագրուած ահաւոր երեւոյթներն են ունենում: Միայն չպէտք է մոռանալ, որ խօրերայի համաճարակի ժամանակ ամեն մի, նոյնիսկ թեթև, ստամոքսային խանգարումը (փորլուծութիւնը) պէտք է բժշկել ինչպէս խօրերա. որովհետև այդ տեսակ հիւանդների լուծածի և փսխածի մէջ նոյնպէս գտնուում է խօրերայի *կենդանի* թոյնը, որը կարող է վարակում տարածել և հիւանդացնել շատերին խօրերայի ծանր տեսակով: Ուստի և արդարացի է մի գիտնական, որ ասել է. «Աւելի լաւ է հարիւր փորլուծութիւն խօրերայի տեղ ընդունել, քան թէ մի խօրերան հասարակ փորլուծութեան տեղ»:

7. ՈՎՔԵՐ ԵՆ ԱԻԵԼԻ ՅԱՃԱԽ ՀԻԻԱՆԴԱՆՈՒՄ ԽՈՒԵՐԱՅՈՎ

Խօրերան միշտ շատ զոհեր է տանում աղքատ մարդկանց շրջանից, որովհետև աղքատ մարդիկ վատ են կերակրում, ուժասպառ են դառնում աշխատանքից և խմբուած են խոնաւ ու կեղտոտ բնակարանների մէջ:

Այս պատճառով խօրերայի ժամանակ բանուորներն ու աղքատ մարդիկ պիտի հետանան իրանց խոնաւ բնակարաններից, նկուղներից: Ամառ ժամանակ զիւղերում աւելի լաւ է վրաններ սարքել և ապրել նրանց մէջ, քան թէ մնալ մեր ողորմելի զիւղերի ստորերկրեա խրճիթներում:

Թոյլ, հիւանդ, վատ կերակրուող մարդիկ հեշտ են թոյնը ընդունում իրանց մէջ և դժուար են առողջանում, քան թէ առողջ և լաւ կերակրուող մարդիկ: Այս պատճառով ամեն մէկը, վարակմանը ուժեղ կերպով դիմադրելու համար պարտաւոր է, ինչպէս էլ լինի, լաւացնել իր սնունդը և՛ ամբողջ ապրուստը: Միևնոյն ժամանակ նա պիտի շատ ծանր աշխատանք չունենա, պիտի հեռու պահի իրան հոգեկան յուզմունքներից և առհասարակ այն բոլոր բաներից, որոնք մարդի թուլացնում և ուժասպառ են դարձնում:

Հիւանդանում են և նրանք, որոնք խանդարում են իրանց ստամոքսը առատ ճա-

չերով և արբեցողութեամբ, որովհետև խանգարուած և հիւանդ ստամոքսի մէջ վարակման թոյնը աւելի է զարգանում: Յայտնի է, օրինակ, որ տօներին հետևող օրերը (գլխաւորապէս երկուշաբթի և երեքշաբթի) խօլերայով հիւանդացողների թիւը աւելանում է: Սրա պատճառն այն է, որ կիրակի օրերը բանուորները քէֆ են անում, խմում են և խանգարում են իրանց ստամոքսը:

Այստեղից մի խրատ—խոլերային համաճարակների ժամանակ երբէք չպէտք է քէֆեր սարքել եւ արբեցողութիւն անել:

Նեշտ են հիւանդանում և վախկոտ մարդիկ: Սա էլ հասկանալի է. Այդպիսի մարդիկ չարունակ ահ ու երկիւղի մէջ են, թէ կը հիւանդանան այդ սարսափելի հիւանդութեամբ, որից, նրանց կարծիքով, ազատուելու ճար չկա, այսպիսով նրանք զրկւում են քնից և հանգստութիւնից: Բացի դրանից, ամեն տեղ և ամեն բանի մէջ վարակում տեսնելով, նրանք վախենում են նոյնիսկ ուտելուց և խմելուց, սոված են մնում և այսպիսով ոյժից ընկնում են: Այդ վախկոտները հէնց որ մի ամենաթեթեւ ցաւ են զգում ստամոքսի մէջ, յուսահատւում են և իրանց կորած են համարում: Այս բոլորը թուլացնում է նրանց մարմինը. իսկ թոյլ մարմինը, ինչպէս ասացինք վերևում, հեշտ է հիւանդանում:

ՆՐԱՐՈՐԴ ՄԱՍ

ԽՈՒՆԲՐԱՅԻՅ ՊԱՂՏՊԱՆՈՒԵԼՈՒ ՄԻՋՈՑՆԵՐԸ

Ա. Ի՞նչ միջոցներ է ձեռք առնում կառավարութիւնը խոլերայի դէմ:

Հարեան պետութիւնների մէջ խոլերա երեւալուն պէս ամեն մի կառավարութիւն, իր երկիրը խոլերա մտցնելուց պահպանելու համար, ձեռք է առնում հետեւալ միջոցները.

1. Կարանտին, չըջափակում կամ կօրդօն: Երբ կառավարութիւնն իմանում է որ հարեան պետութիւնների մէջ (օրինակ. Պարսկաստանում կամ Թիւրքիայում) խօլերայի դէպքեր են երեւցել, նա խիստ միջոցներ է ձեռք առնում, որպէսզի այդ տեղերից ոչ-որ չանցնի սահմանը և իր հետ վարակիչ հիւանդութիւնը չբերի մեզ մօտ: Այս նպատակով բոլոր ճանապարհորդները, որոնք գալիս են վարակուած տեղերից, արգելւում են սահմանի վրա 10—15 օր փորձելու համար: Եթէ այդ ժամանակ արգելուածների մէջ ոչ-որ չի հիւանդանում,

ներանց բոլորին թողնում են, հակառակ դէպքում, նրանց էլի երկար պահում են, մինչև որ համոզուեն, որ նրանց մէջ այլախօլերայով վարակուած մարդ չըկա։ Այս միջոցը անուանում է *ցամաքային կարանտին*։ Նոյն կերպ վարւում է իշխանութիւնը և այն նաւերի հետ, որոնք զայիս են մեր նաւահանգիստները (Բաթում, Բագու)։— Ճանապարհորդներին չեն թոյլ տալիս ավի իջնել, արգելում են նրանց նուրի մէջ ավիից հեռու, մի յայտնի ժամանակով։ Սա *ծովային կարանտին*ն է։

Իսկ երբ երկրի մէջ (օրինակ. որեւէ նահանգում կամ զաւառում) երևում են զայիս խօլերայի դէպքեր, այդ ժամանակ հաստատում է *կօրդօն* կամ *չրջափակում*, այսինքն. զօրքերը շրջապատում են այդ տեղը և չեն թոյլ տալիս բնակիչներին դուրս գալ, դէս ու դէն ցրուել և վարակումը տարածել հարկան զաւառները կամ նահանգները։

2) Կառավարութիւնը հոգս է անում նոյնպէս, որ հիւանդներին հանձն տներից և տանեն հիւանդանոց։ Այս միջոցը շատ կարեւոր է նախ այն պատճառով, որ հեռացնում են տնից վարակիչ թոյնը և դրա-

նով ազատում են այդ տան միւս բնակիչներին վարակումից, և երկրորդ այն պատճառով, որ հիւանդին դնում է աւելի լաւ պայմանների մէջ բժշկութեան համար, որովհետեւ հիւանդանոցներում միշտ աւելի լաւ և հեշտ կարելի է բժշկել խօլերան, քան տանը։

3. Հիւանդին հիւանդանոց տանելուց յետո կամ երբ նա մեռնում է, պահանջում է մարբել և ախտահանել այն բնակարանը, ուր նա պարկած էր, և այն բոլոր իրերը, որոնց նա դիպել էր։ Ախտահանութեան նպատակն է ոչնչացնել այն կենդանի թոյնը որը խօլերայի պատճառ է դառնում։ Սակայն միայն մաքրելը, որքան էլ նա խնամքով լինի կատարուած, չի կարող սպանել-ոչնչացնել այդ կենդանի թոյնը։

Մեծ քաղաքներում, ինչպէս Թիֆլիզում, Բագուում, Բաթումում, գոյութիւն ունեն առանձին հիմնարկութիւններ, որոնք կոչւում են *ախտահանական կամեռա* և որոնց մէջ կատարւում է հիւանդին պատկանող իրերի ախտահանութիւնը։ Միւս քաղաքներում այս բանը պիտի կատարեն բժիշկներն ու ֆէլդշէրները։

4. Բացի այս բոլորից, խօլերայի կամ

ժամտախտի համաճարակների ժամանակ պէտք է յայտնել իշխանութեան, թէ որտեղ ով է հիւանդացել: Այս պարտաւորութիւնը դրուած է ազգականների, տանտէրերի և հիւանդին խնամող բժշկի վրա: Այս միջոցի նպատակն այն է, որ իշխանութիւնը կարողանա օգնութեան գալ հիւանդին և ժամանակին միջոցներ ձեռք առնէ, որ հիւանդութիւնը չտարածուի:

Ահա թէ ինչեր է պահանջում կառավարութիւնը մեզանից մեր լաւութեան համար: Ժողովուրդը պիտի գնահատի այն ամենը, ինչ արւում է նրա օգտի համար և պիտի օգնի կառավարութեան, որ գործադրուեն այդ միջոցները, և ոչ թէ ընդդիմանա այդ միջոցներին, ինչպէս վերջին խոլերային համաճարակի ժամանակ արին մի քանինահանգներում տգէտ մարդիկ:

II. Ի՞նչ պէտք է անել, երբ խոլերան երեւացել է հարեւան քաղաքներում եւ գիւղերում:

Երբ մի քաղաք կամ գիւղ յուր է առնում, որ խոլերան մօտենում է, Բնակիչները պէտք է հաւաքուեն և միասին բնեն իրանց դրութիւնը: Գրագէտները, օրինակ

ուսուցիչները, բահանները պիտի ժողովրդի մէջ կարգան զըջոյկներ խօսերայի մասին և բացատրեն, թէ ի՞նչ օգուտ ունեն իշխանութեան և բժիշկների առաջարկած միջոցները: Իսկ ժողովուրդը պարտաւոր է կատարել այդ բոլոր խորհուրդներն ու պահանջները, որովհետեւ ամեն ինչ արւում է ժողովրդի օգտի համար:

Ամեն մէկը պարտաւոր է զգոյշ լինել և չընդունել իր մօտ կասկածելի տեղերից եկածներին և առհասարակ չպիտի որևիցէ յարաբերութիւն ունենա նրանց հետ:

Փողոցները և տները պէտք է մաքուր պահել. ոչ-որ չպիտի փողոցը կամ բակը գցի իր անմաքրութիւնները, իր գիբիւն ու աղբը, այլ պարտաւոր է հաւաքել արկղների մէջ և ամեն օր տանել քաղաքից կամ գիւղից զուրս և թաղել հողի մէջ, նշանակուած տեղերում:

Բնակիչների ունեւոր մասը, իր սեփական օգտի համար, պիտի օգնի աղքատ մասին, բաց անելով թէյարաններ, ձրի կամ էժանագին ճաշարաններ, հրաւիրելով բժիշկներ կամ ֆէլդշէրներ ժողովրդին ձրի բժշկական օգնութիւն հասցնելու համար:

Նստաւում եմ «իր սեփական օգտի համար», որովհետև պաշտպանելով աղքատներին վարակումից, հարուստները դրանով իսկ ազատում են և իրանց: Ոչնչացնելով վարակի օջախները, հարուստները դրանով իրանց սեփական կեանքն են պաշտպանում:

III. *Ի՞նչ պէտք է անել. երբ վարակումը նրեւացել է քաղաքում կամ գիւղում:*

Ետեւորան երբ երեւում է մի տեղ, բնակիչները չպիտի սարսափահար լինեն և փախչեն, ընդհակառակը, ամենքը պիտի խմբուեն ընդհանուր թշնամու դէմ կռուելու համար:

Առաջին գործը պիտք է լինի հեռացնել հիւանդներին իրանց տներից և տանել հիւանդանոցները, յետո անհրաժեշտ է ախտահանել նրանց բնակարանները:

Իսկ եթէ այդ տեղում չկա հիւանդանոց և հիւանդը պէտք է թողնուի տանը, այդ դէպքում պէտք է ձեռք առնել հետեւեալ միջոցները.

1). Հիւանդի դուրս զնացածը եւ փրսխածը ոչ մի դէպքում չպէտք է փողոց կամ բակը թափել, այլ պէտք է հաւաքել առանձին ամանների մէջ և թափել առանձին խոր փոսերի մէջ, որոնք փորւում են բակում (ջրհորներից հեռու): Ամեն անգամ էլ այս աղտո-

տութիւնները փրս ամեն անգամ էլ պէտք է ածել թարմ հանգցրած կիր և չոր հող: Աւելի լաւ կլինի անմաքրութիւնները տանել քաղաքից կամ գիւղից դուրս, թափել յատկապէս փորած փոսերի մէջ և նոյնպէս ծածկել կրով և հողով:

2) Զի կարելի խօսեցայով հիւանդի սպիտակեղէնն ու չորերը լուսնալ այն դետում, որից բնակիչները ջուր են վերցնում:

3) Անհրաժեշտ է, որ հարեանները ոչ մի յարաբերութիւն չունենան վարակուած տների հետ — ոչ իրանք գնան այնտեղ, ոչ էլ ընդունեն այնտեղից եկածներին:

Ծանօթութիւն: Հիւանդատեսութեան կարելի է և անվնաս է գնալ միայն այն դէպքում, երբ զգուշութեան բոլոր անհրաժեշտ միջոցները ձեռք են առնւում: Այդ միջոցները սրանք են. հիւանդի տեսութեան գնացողը ներս մտնելու միջոցին իր շորերի վրայից պիտի հագնէ քաթանի երկար շապիկ (խալաթ), որը պաշտպանում է նրան հիւանդի վարակիչ արտաթորութիւններից. դուրս դալու միջոցին շապիկը պէտք է հանել: Իսկ եթէ այցելուն շապիկ չի հագել, պիտի փոխի շորերը: 2 պէտք է զիպչել ոչ հիւանդին,

ոչ էլ նրա իրերին: Հիւանդի մօտից դուրս գալիս պէտք է լուացուել սապոնով ու տաք ջրով, և ապա մի որևէ ակտիւանիզ դեղով, որի մասին ներքեւում կ'սօսենք:

4) Ամեն մէկը պարտաւոր է իր առողջութեան վրա հսկել. հէնց որ մի ամենափոքրիկ տկարութիւն, փսխում կամ փորլուծութիւն ունենա, պիտի դիմէ բժշկին:

5) Չպէտք է թոյլ տալ ոչ մի չափազանցութիւն ոչ ուտելու, ոչ խմելու և ոչ էլ աշխատելու մէջ. իսկ միւս բաներում չպէտք է փոխել ապրուստի առաջուա եղանակը, եթէ նա կանոնաւոր է եղել: Կերակուրը պէտք է հեշտ մարսուող լինի և չափաւոր: Դժուար մարսուող կերակուրները, օրինակ՝ չափազանց իւղալիները, հում ընդեղէնները (բոգի, կաղամբ, չաղգամ, գազար), խոզի միսը, երշիկը (կալբաս) և առհասարակ ապխտած (ծխով չորացրած) մսեղէնները, վատ պանիրը, թթուած կաթն ու մածուկը, խմոր հացը խիստ արգելուած են:

6) Հում մրգեր խոլերայի ժամանակ կարելի է գործ ածել միայն այն դէպքում, երբ լուացուում են մաքուր, եփ տուած և սառցրած ջրի մէջ. աւելի լաւ է վերցնել մի-

թէյի գդալ սալիցիւեան, կամ լիմօնի թրթուտ, խառնել մի շիշ ջրի մէջ և զրանով լուանալ մրգերը: Իսկ եթէ չի կարելի այդ զգուշութիւնները գործ դնել, աւելի լաւ կլինի առժամանակ մրգեր բոլորովին չուտել:

7) Թոյլատրուած ուտելիքները, օրինակ. լաւ պանիրը, կարագը, խոզի ապուխտը պէտք է պահուեն ծածկուած ամանի մէջ կամ փաթաթուած մաքուր թղթում, որպէսզի ճանճերը վարակի թոյնը չնստեցնեն նրանց վրա: Խորհուրդ ենք տալիս հացը, ուտելուց առաջ, միքիչ դնել տաք վառարանի մէջ կամ թէ նրա կտորները միքիչ պահել օջախի կամ սպիրտի լամպայի բոցի վրա. ծայրայեղ դէպքում պէտք է վերցնել վերևի կեղևը և մնացածն ուտել:

8) Ժողովրդի մէջ խօսք կա թէ սխտորը պահպանում է խոլերայով վարակուելուց, ուստի չատերը սխտոր են լցնում իրանց գրպանները և ուտում մեծ քանակութեամբ: Այդ չպէտք է անել: Այդպիսի քանակութեամբ սխտոր ուտելը վնաս է, որովհետև սխտորը զրգուում է ստամոքսն ու աղիքները, ծարաւ է առաջացնում և հարկադրում է շատ ջուր խմել:

9) Խորհրայի ժամանակ ամենալաւ խմելիքը եռացրած և յետո սառցրած ջուրն է. ջրին կարելի է աւելացնել քիչ գինի կամ որևէ թթուութ (լիմօնի) կամ թթու սիրօպ (նռան, հոնի և ուրիշ): Աղային ջրերը (սօղայի, սելտէրեան) վնասակար են: Պէտք է խուսափել շատ սառն խմիչքից, պաղպաղակից, սառը բրդօշից (ակրօշկա) և այլն:

10) Փորն ու ոտները պէտք է տաք պահել. չի կարելի քնել խոնաւ տեղ, պառկել խոնաւ հողի վրա: Խորհուրդ ենք տալիս գործ ածել բրդէ կամ ֆլանէլի փորկապ:

11) Սովորած մարդիկ կարող են լողանալ գետում տաք եղանակին, եթէ միայն գետը չի անցնում քաղաքի վարակուած թաղերի միջով: Լողանալ կարելի է միայն քաղաքից 3—4 ժամ յետո:

IV. Ի՞նչ պէտք է անել, երբ վարակումն ընկել է տունը

Երբ մի տան մէջ խորհրա է ընկել, անհրաժեշտ է, ինչպէս արդէն ասել ենք, հիւանդին տեղափոխել հիւանդանոց կամ լազարէթ: Եթէ այդ բանն անկարելի է, պէտք է տնից բոլոր միւս բնակիչներին հեռաց-

նել. իսկ եթէ այդ էլ անհնար է անել, գոնէ պէտք է հիւանդին մի առանձին սենեակում պահել, ուր ոչ-որ չպէտք է մտնի բացի հիւանդապահից: Յաւակցաբար մեր գիւղերում յաճախ տները միմիայն մի հացատնից են բաղկացած, որը թէ խոհանոց է, թէ ճաշարան, թէ ննջարան և թէ ախոռ: Այդպիսի բնակարանների մէջ, ի հարկէ, անհնար է առանձնացնել հիւանդին և այդ դէպքում մնում է միայն բաւականաճախ, որքան կարելի է, մաքրութիւն պահելով. հեռացնել փսխածն ու դուրս գնացածը և ախտահանել այն ամենը, ինչի վրա որ ընկել են այդ աղտոտութիւններից: Հիւանդին խնամելու համար նրա մօտ պիտի մէկը մնա (առհասարակ մայրը կամ կինը): Այս հիւանդապահը նոյնպէս կարող է հիւանդանալ, եթէ նա խստօրէն չի պահպանի հետեւեալ բոլոր ըզգուշութիւնները: Նա հիւանդի մօտ մտնելուց առաջ պիտի հագնի վերև յիշած շապիկը և դուրս գալիս հանի, չպէտք է երբէք բան ուտի կամ խմի այդ սենեակում, իսկ ուրիշ սենեակում էլ հացի նստելուց առաջ անպատճառ պիտի լաւ լուանա ու ախտահանի իր ձեռներն ու երեսը (տես

ախտահանիչ միջոցներ), իսկ բերանը մի քանի անգամ ողողի բորային թթուտի խառնուրդով (մի թէյի գդալ մի բաժակ տաք ջրի մէջ հալեցրած ու սառեցրած): Իր անձի մասին հիւանդ պահողը նոյնպէս պէտք է ամենախիստ մաքրութիւն պահպանի: Այդ ըզգուշութիւններով նա կարող է հիւանդի մօտ լինել ու խնամել նրան առանց ինքն էլ հիւանդանալու:

V. Ի՞նչպէս խնամել հիւանդին

1) Հիւանդին պէտք է պառկեցնել ամենամեծ, ամենամաքուր ու լոյս սենեակի մէջ: Այդ սենեակից պիտի դուրս տարուած լինեն այն ամեն իրերը, որոնք անհրաժեշտ չեն. այն է՝ կահ-կարասիները (մանաւանդ փափուկները), գորգերը, վարագոյրները, նրկարները, գրքերը և այլն) ու թողնել միմիայն երկու մահճակալ (մէկը հիւանդի, միւսը նրան խնամողի համար), մի սեղան, աթոռներ և ամենակարևոր իրերը:

2) Հիւանդի սենեակը պէտք է օդափոխել օրական մի քանի անգամ: Սենեակը պէտք է տաք լինի (15—16 աստիճան Բէօմիլերի ջերմաչափով):

3) Հիւանդի արտաթորածն ու փսխածը պէտք է հաւաքել առանձին ամանի մէջ (գարշօկ), ծածկել կրով կամ մի որևէ ախտահանիչ դեղով ու դուրս տանել:

4) Ցատակն ու կարասիքը, եթէ սրանք կեղտոտած են արտաթորութիւններով կամ փսխանքով, պէտք է մաքրել սպունգով կամ շորով, որ պէտք է թաթխած լինի կարթօլեան թթուտի կամ սուլեմայի լուծուածքների մէջ: (Տ. ներքև գլ. VIII): Եթէ յատակը հողից է, պէտք է կեղտոտած տեղի վրա իսկոյն նոր հանգցրած կիր ցանել:

5) Աղտոտած սպիտակեղէնը, լուացքի տալուց առաջ, պէտք է հաւաքել մի կաւէ կամ փայտէ ամանի մէջ, որի մէջ լցրած պիտի լինի մի որևէ ախտահանիչ դեղ: Այս սպիտակեղէնը չպէտք է խառնել ուրիշների հետ, այլ բոլորովին առանձին լուանալ ու որքան կարելի է երկար ժամանակ եփ տալ սօղա կամ մի ուրիշ աղ պարունակող ջրի մէջ:

Ծանօթութիւն: Լուացած սպիտակեղէնն ու չորեղէնները զիւղերում կարելի է կախել թոնրի մէջ ու չորացնել:

6) Երբ հիւանդը լաւանա կամ մեռնի, շրա անկողինն սւ սպիտակեղէնը լաւ է այ-

րել, այս պատճառով էլ աղքատ ընտանիքներում կարող են դռնակները խոտով լցնել:

7) Եթէ հիւանդը մեռնի, դիակը պէտք է փաթաթել սաւանի մէջ, որը պիտի թըրջուած լինի սոսկեմայով կամ կարթօլեան թթւութի խառնուրդով (կարթօլաջրով): Դադաղը պէտք է մեխած և, որքան կարելի է, խոր թաղել և վրայից լցնել մի հաստ շերտ հանգցրած կիր:

VI. *Խնչ պէտք է անել մինչև Բժշկի գալը*

Մենք ասել ենք որ խոլերայի ժամանակ ստամոքսի ամեն տեսակ խանգարումները պէտք է լուրջ կերպով բժշկել: Այս պատճառով ամեն կասկածելի դէպքում իսկոյն պիտի բժշկի դիմել:

Մեր կողմից տալիս ենք հետևեալ խորհուրդները.

1. Հիւանդին իսկոյն անկողին պառկեցրէք, փորին մանանեղ (горячникъ-sinapisme) դրէք, կամ դրէք կանեփի սերմից փաթեթ, կամ թէ չէ մի պարկ, որի մէջ լցրած լինի տաքացրած աւազ կամ թեփ (օր. փայտի մանրոնք, որ սղոցելուց է գոյանում): Ժողովուրդը սիրում է տաքացրած ազուռ ու

խոտ. դրանք էլ լաւ են: Կարելի է նոյնպէս հիւանդի ոտերի արանքն ու կողքերին եռման ջուր լցրած շիշեր շարել, որոնք պէտք է փաթաթուած լինեն մաքուր շորով:

2. Եթէ հիւանդը փսխում է կամ լուծունի, տուէք խմելու շաքարաջուր իմոնի կամ նուան հիւթով, իսկ աւելի լաւ կլինի, եթէ խմեցնէք նրան մի բաժակ ջուր, մէջը կաթացրած 10—15 կաթիլ աղաթթւութ (co-lynnaya kislota, acidum mariaticum): Եթէ փրսխելը չի դադարում, կտոր-կտոր սառուց տուէք կուլ տալու. իսկ եթէ այդ էլ չի օգնում և աւելի ևս, եթէ լուծել է սկսում, պէտք է տալ Բօտկինի կամ Ինօգեմցեվի կաթիլներ (հասակաւորին 20—25 կաթիլ—ջրով երկու-երեք ժամը մի անգամ. իսկ եթէ փրսխելը յաճախ է կրկնուում, նոյնիսկ ժամը մի անգամ. տ. ներքև):

3. Եթէ հիւանդի ոտերն ու ձեռները ձգձգւում են (որ մեծ ցաւեր է պատճառում նրան), պէտք է ցաւող անդամը մերսել մի կտոր ֆլանէլով կամ կոշտ մահուղով: Կարելի է մերսել նոյնպէս և մի կտոր շորով. որ պէտք է թաթախել մանանեխի կամ քաֆուրի սպիրտի մէջ:

4. Ընչարգելութեան ու սրտի բարախման դէմ գործ են ածում Վալերիանի և չօֆֆմանի կաթիլներ (15—20 կաթիլ օրական միքանի անգամ), իսկ նուազութեան և ուշազնացութեան դէմ, բացի այդ, պէտք է նաշատրի ոգիով (нашатырный спирт) հոտ տալ քթին:

5. Եթէ հիւանդի անդամները սառել են, պէտք է տաքացնել տաք ջրի շիշերով, ինչպէս ասացինք վերևը:

6. Երբէք չպէտք է ականջ դնել հէքիմներին ու պառաւներին, որոնք իրանց տգէտ խորհուրդներով ու վնասակար միջոցներով կորցնում են ժողովրդին: Օրինակ, նրանք հիւանդից արիւն են առնում, այնինչ այդ չափազանց վնասակար է, որովհետեւ աւելի ևս թուլացնում է հիւանդին և ուղղակի կարող է սպանել նրան, բանի որ առանց արիւն առնելու էլ հիւանդը շատ ջուր է կորցնում լուծելիս ու փսխելիս և նրա արիւնն արդէն թանձրացած է: Պէտք է խոյս տալ նմանապէս և զանազան պառաւական բոյսերից ու «քօլերից», որոնցից միայն վնաս կա և երբէք օգուտ: Օրինակ, անցեալ 1902-ի համաճարակի ժամանակ մեծ վնաս հասցրեց

ժողովրդին Ալեքսանդրապօլում մի զինուորականի գոված «Կալգան» բոյսը, որը այդ պարոնի ասելով, իբր թէ, «հաստատ դեղ» էր խօսերայի դէմ:

VII. Դեղեր, որ պէտք է գտնուեն ամեն տան մէջ հիւանդացողին օգնելու համար:

1. Բօակիլնի կաթիլներ:

2. Ինոզեմցեվի կաթիլներ:

3. Վալերիանի կաթիլներ:

4. Չօֆֆմանի կաթիլներ:

5. Եզրեղիլ կամ դավնի կեւասի կաթիլներ (лавровишневые капли):

6. Դեղարանական աղաթթւուտի խառնուրդ (разбавленная аптечная соляная кислота):

7. Քաֆուրի կամ մանանեխի սպիրտ:

8. Նաշատրի սպիրտ, օղեկօյժ, բացախ:

Այս դեղերի սրուակների վրա պէտք է պարզ գրուած լինեն դեղերի անունները և գործածելու ձևը:

Ի հարկէ երբէք չպէտք է յոյս դնել այս դեղերի վրա, այլ հիւանդութեան դէպքում անմիջապէս և իսկոյն ոչ մի բոլոր չկորցնել ու դիմել բժշկին:

VIII. Ախտահանութիւն կամ թոյնի ոչնչաց-
նելու միջոցը:

Խոլերահիւանդի առողջանալուց կամ մա-
հանալուց յետոյ պէտք է ոչնչացնել վարա-
կիչ թոյնը: Դրա համար հարկաւոր է բնա-
կարանը ախտահանել:

Ինչպէս արդէն ասել ենք, միքանի քա-
ղաքներում կան առանձին հիմնարկութիւն-
ներ, որոնք այդ գործով (ախտահանելով) են-
պարապած, իսկ գիւղերում ժողովուրդն ին-
քը պիտի այդ անի:

Այս գրքոյկի մէջ զանազան տեղերում
մենք խօսել ենք բնակարանի և իրերի ախ-
տահանութեան մասին, այժմ առաջ բերենք
այն միջոցները, որոնք պէտք է գործ դնել
ախտահանութեան համար:

1. *Կրակը* անտարակոյս ամենագորեղ
ախտահանիչն է: Երբ մենք այրում ենք մի
վարակուած առարկա, թոյնն էլ ի հարկէ,
հետն է այրւում-ոչնչանում: Բայց քանի որ
աղքատ ժողովուրդը կափսոսա այրելու հի-
ւանդի իրեղէնները այդ ձևը ամենքին ձե-
ռնու չէ:

2. *Կիր:* Սա ամենաէժան և ուրեմն ա-
մենքին ձեռնտու միջոցն է բնակարանները
ախտահանելու համար: Կիրը գործ է ած-
ւում երկու ձևով—չոր կամ ջրախառն: Բայց
կիրն էլ շատ տեղերում դժուար է ձեռք
ընկնում, ուրեմն ամեն գիւղ պէտք է վաղօ-
րօք պաշար պատրաստի: Կիրը լցնում են
հիւանդի արտաթորութիւնների վրա, մեր
գիւղական տների հողէ յատակի վրա, բա-
կերը և առհասարակ վարակուած տեղերը:

Երբ կիրը բաց են անում ջրի մէջ, ըս-
տացւում է կաթնաման հեղուկ, որը կոչ-
ւում է *կրի կաթ* կամ *կրակաթ*: Կրակաթ
պատրաստելու համար պէտք է մի մաս կիր
բանալ հինգ մաս ջրում: Այդ հեղուկը լըց-
նում են անմաքրութիւնների վրա և ածում
են արտաքնոցները:

3. *Քլորակիր:* Գործ է ածւում, ինչպէս
հասարակ կիրը:

4. *Սուլեմա:* Սա մի զօրեղ թոյն է, որ
միայն բժշկի ղեղատոմսով են դուրս թող-
նում գեղատներից, ուրեմն պէտք է շատ
զգույշ վարուել նրա հետ: Ախտահանութեան
համար գործ են ածւում զանազան լու-
ծուածքներ (1 մաս սուլեմա — 500 մ. ջուր,

կամ 1 մաս սուլեմա 1000—2000 ջուր): Այս լուծուածքով լուանում են սենեակի պատերը առաստաղը, յատակը, կահ-կարասիները և ուրիշ առարկաներ: Առհասարակ սուլեման մեծ ցրցիրներով (шпатель) ջրջնքում են ախտահանելի իրերը:

5. Կարբոլեան թթուտ կամ կարբոլա: Այս դեղից էլ զանազան լուծուածքներ են շինում: Վերցնում են 2—5 մաս թթուտ և հալեցնում են 100 մ. ջրի մէջ: Այս լուծուածքով ախտահանում են հիւանդի կեղտոտած բոլոր իրեղէնները կամ լուանում են իրանց ձեռներն ու երեսը: Կարբոլեան թթուտի թունդ լուծուածքները (օր. 5 մ. 100 մ. ջրի մէջ) նոյնպէս գործ է ածւում օդը մաքրելու համար պուլվերիզատորների (փչող գործիքների) միջոցով:

6. Լիզօլ: Սա մի թանձր մուգ գոյնի հեղուկ է, որը խառնում են ջրին ու գործ ածում իրրե ախտահանիչ դեղ: Բաւական է մի մաս լիզօլ հալեցնել 100 մ. ջրի մէջ և կտտանաք լաւ դեղ ախտահանութեան համար:

7. Պղնձի եւ երկաթի արջասպ, քլոր եւ ֆորմալին: Սրանցից ամենաուժեղը պղնձի

արջասպն է, որից պատրաստում են 2% տոկոսային լուծուածք (2 մ. արջասպ 100 մաս ջրում) երկաթի արջասպը շատ աւելի թոյլ է և նրանից պէտք է վերցնել 15 մաս 100 մաս ջրում: Երկու արջասպներն էլ գործ են ածւում հիւանդի փսխանքներն ու դուրս գնացածը ախտահանելու համար:

Սպիրտը նոյնպէս մի լաւ միջոց է, բայց թանգութեան պատճառով մեծամասնութեանը անմատչելի է: Իսկ արաղը չափազանց թոյլ է և պէտք չի ախտահանելու համար:

8. Մի դեղ էլ կա — դա ֆորմալինով ծուխ տալն է: Նրանով ախտահանում են բնակարանները:

Երբ կամենում են այս դեղով ախտահանել բնակարանը, պէտք է լաւ ծածկել լուսամուտները, դռները և բոլոր ծակերը, որ ծուխը (զագերը) դուրս չգնան բնակարանից: Երբ որ բաւականին ծուխ է գոյացել ֆորմալինի այրելուց ու սենեակը մի քանի ժամանակ ծուխով լիքն է եղել, բաց են անում դռներն ու լուսամուտները և մաքրում օդը:

Պարտք եմ համարում զգուշացնել, որ

ժողովրդի մէջ բոլոր գործածուող դեղերը,
կացարանի միջի վատ հոտը իբր թէ ոչըն-
չացնելու համար, ոչ միայն չեն մաքրում
օդը, այլ, ընդհակառակը, աւելի ևս կեղ-
տոտում են օդը և երբէք չեն կարող սպա-
նել խոլերայի վարակիչ թոյնը:

Վ Ե Ր Զ



ՀՀ Ազգային գրադարան



NL0267682

501

6692